

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Minerva, sive de causis latinae linguae commentarius

**Sánchez, Francisco
Schoppe, Caspar
Perizonius, Jacobus
Franequera, 1687**

XI. Miles

[urn:nbn:de:bsz:31-109138](https://nbn-resolving.org/urn:nbn:de:bsz:31-109138)

per *au*, nunc per *o*, enunciarunt; ut, τῶν τῶν, *taurus*; αὐλῆ, *aula*; Καύκασος, *Caucasus*; αὐρίων, *aureum*. Orata, inquit Festus, genius piscis appellatur, à colore auri, quod rustici Orum dicebant; ut, auriculas oriculas. Itaque Sergium quoque quendam prædixit, quod & duobus annulis aureis, & grandibus uteretur, Oratam dicunt esse appellatum. Hæc Festus. Quin & sæpe apud antiquos, *au*, migrabat in *o*, ut *cauda*, *coda*; *Caurus*, *Corrus*; *plaustrum*, *plostrum*; *cautes*, *cotes*; *caudex*, *codex*; *plaudo*, *plodo*, *explodo*; *Plautus*, *Plotus*; *cotio*, *cotio*; ut apud Plautum; *Nibili cotio est*. Eodem igitur pacto ex *μαυρός*, id est, obscurus & niger, fit *moras*, cujus fructus niger est. Quid, quod etiam * apud Græcos in usu est, *μορία*, pro ipsa arbore mori? Sæpissimè Hispani, faciunt *o*: ut, *Taurus*, *toro*; *aureum*, *oro*; *laurus*, *loro*; *pausas*, *posas*, *Maurus*, *Moro*, *moral*; *laus*, *loor*; *laudare*, *loar*; *Paulus*, *Polo*; *cauda*, *coda*; *causa*, *cosa*; *paucum*, *poco*; *audire*, *oyr*; *auditus*, *oydo*; *cautum*, *coto*; *caules*, *coles*. Et Italicè *Moro*, significat fuscum; ut apud Tassum in Amadigi canto, 57.

Un Gigante nel volto arsiceto, & moro.

XI. MILES.

FEsti Pompeji hæc sunt verba; *Militem Etilius à mollitia, καὶ ἀντιφρασίον*, id est, per antiphrasin, dictum putat, eò quod nihil molle, sed potius asperum quid gerat: sic ludum dicimus,

* Apud Græcos in usu est] Immo & ipsum *μορία* pro fructu. Unde proinde rectius, repugnantè licet profrodia, deducit Vossius Latinam vocem.

in quo minimè luditur. Hæc ille, satis ineprè.
 Ulpianus lib. 29. l. i. §. de Militari test.
 Miles, inquit, appellatur, vel à malitia, id est,
 duritia, quam pro nobis sustinet; aut à multitudine,
 aut à malo, quod arcere milites solent; aut à Græco
 verbo χιλια, unde χιλιασθs tractum est; nam ita
 Græci χίλια, & mille hominum numerum appellant;
 quasi millesimum quemque dicas; unde ipsum quoque
 ducent χιλιαρχος, appellant. Hæc ille. Ex his au-
 tem opinionibus postrema verior, & aptior
 est, utpote quæ Græcæ origini magis quadret.
 * Itaque miles, propriè dicebatur, qui unus è
 mille, non sine dignitate nomenclaturæ, vo-
 cabatur. Nos dicimus de xxiv. rectoribus
 Hispanensibus; Es veynre y quatro de Sevilla. Ver-
 ba porrò Ulpiani malè citat, & interpretatur
 Laurent. Valla lib. i. cap. 14.

XII. SIMULTAS.

Simultas, inquit Festus, dicta ex contrario;
 quia minimè sint odientes se simul. Hæc ille.
 † Sed quur non potius à simulando, quum
 qui latenter dissentiant, semper simulata lo-
 quan-

R r

* Itaque miles propriè &c.] Vere Miles à Mille deducitur,
 quod vocabulum olim etiam Mile scribebatur. Scilicet
 temporibus Romuli quæque tribus mille homines confe-
 rebat in Legionem. Unde qui inter eos erat, dicebatur
 Miles, quasi millesimus, seu unus ex illis mille vel mille-
 simis. Qui vero his mille millesimis præerat, à Tribu
 Tribunus appellabatur. Hæc vera ratio & origo vocabu-
 li Miles. Verba Ulpiani paulo aliter se habent
 † Sed cur non potius à simulando] Addit hoc ipsum etiam
 Festus. Potest, inquit, & à simulatione dicta existimari,
 quia simulate loquuntur ad invicem. Ego vero potius dictum
 arbitror ab eo, quod inter pares solet esse æmulatio,
 & quæ inde oritur, invidia ac contentio. Vide Vos-
 sinum,